

## **Kalenjin - Sirutik - Deliverance Scriptures**

**Matayo 6:13 Ame-mutech ole mi yomset, ago soruech eng' ne ya. Amu neng'ung' bounatet, ak kamuktaet, ak torornatet, agoi koigeny. Amen. (Luka 11:4)**

**Matayo 8:16 Ak ye kimachei koimen, komutyi ichek che chang' che tineyi oik: ak koon tamirmirik eng' ng'olyot, ak kosoob tugul che kimiandos:**

**Matayo 10:1,8 Ak kiguur alamalyennyi taman ak aeng' kobwanji inendet, ak kogochi kimnated si koon tamirmirik che muruonen, ak kosoob che miandos eng' koroito age tugul ak eng' nyalulnatet age tugul. (Mariko 3:14,15) 8 Osoob che miandos, ong'eet che kigobek, otibil che tineyi mogondosik, oon oik: kaonyoru buch, ogoite buch.**

**Matayo 12:26-29 ak ngo on Setani Setani, ko kapcheigei inegei; tonondoi ano anyun bororiennyi? 27 Ak ndaone oik eng' Beelsebul, koonei eng' ng'o werikwok? noto anyun egu ichek che iruokwok. 28 Ago ngaone oik eng' Tamirmirietab Jehovah, ko kagoitwak anyun bounatetab Jehovah. 29 Anan imuktoi ano kwo chi gotab chito ne kim si korebe tugukyik ngot ko ma rat korok chito ne kim? si kouur anyun gonnyi. (Mariko 3:23-27)**

**Matayo 12:43-45 Ago ye kagomong'une chi tamirmiriet ne muruon, kwo kobunot oldinwek che yaamnyotin, kocheng'oti ole imuung'e, amanyor. 44 Yeityo komwa kole, Kaweekyigei gonnyu ole kiamong'une : ak ye kingonyo, konyor ko mami kiy, ak kobugot, ak ko chobot. 45 Kwo anyun komut tamirmirik alak tisab che yaach kosiir inendet, ak kochut ak komeny oloto : ak eng' let koyaitu atebetab chichoto kosiir ne ki bo tai. Egu ko u noto agine eng' ibini ya.**

**Matayo 15:22,26,28 Ak ogeero, Idmong' eng' komoswechoto kobogoriot ne bo Kanan, korir, kole, Rirena, ee Kiptaiyandani, inye weritab Daudi; riachei oindet cheptanyu mising'. 26 Ago kiwol kole, Ma mie kerebe lagok kimoikwak ak kewirji sesenik. 28 Kiwolji Jesu anyun kolenji, Chebiosoni, o kayaneng'ung'! ingoyaak ko u noto imache. Ak kisob cheptanyi koboch sainato.**

**Matayo 16:19 Agonin yateiywek che bo bouna-tetab kipsengwet: ak kiy tugul ne irate eng' ng'ony keratei eng' kipsengwet: ak kiy tugul ne itiachi eng' ng'ony kitiachi eng' kipsengwet. (Matayo 18:18)**

**Matayo 17:19-21 Kibwanji anyun alamalyet Jesu eng' taban, ak kole, Kalya si ma kimuch achek keon komanda? 20 Ak kilenji, Amu kayaneng'wong' ne ming'in: amu amwawok iman ale, Ndotinye kyanet ne te keswotab karadali, ta ngomwachi tulwoni olenji, Inakte ui olin; konaktoi; ta mami kiy ne maimugaksei eng' okwek. [21 Ago mamandoi ne u ni kobate eng' saet ak karu-gutetab ge.]**

**Marika 1:23-26 Ak kimi ngunoto eng' sunagoginywa chi ne kitinyei**

**tamirmiriet ne muruon, ak kiwaach, 24 kole, Kiting'ege nee ak inye, Jesu ne bo Nasaret? Kenyo ing'emech? Angenin ale, i Ne Tilil ne bo Jehovah. 25 Ak kiger kong' Jesu inendet kole, Sis, ak imong'u eng' inendet. 26 Ak ye kimandoi tami-rmiriet ne muruon eng' inendet, kobirabirto inendet, ak ko-waachei eng' kutit ne o.**

**Marika 1:32-34 Ak koskoleny, ko karorokto asista, komutyi inendet tugul che kimiandos, ak che kitinyei oik. 33 Ak kiiyumjigei nganaset komugul kurgat. 34 Ak kiisoob che chang' che kimiandos eng' mianwek che terotin, ak koon oik che chang' komanda; ak kima chamji oik kong'alal, amu kiingen oichoto inendet.**

**Marika 1:39 Ak kiwa sunagogisiekwak che bo Galili komugul, koamdoottu ak koonei oik.**

**Marika 5:8 Amu kilenji inendet, Mong'une chichi, inye tamirmiriet ne muruon.**

**Marika 6:7,13 Ak kiguurjigei anyun taman ak aeng', ak kotoi koyokto kobee aeng' aeng'; ak kiigochi kimnatet koterter tamirmirik che muruonen; 13 Ak kion oik che chang', ak koile mwaita che chang' che kimiandos, ak kosoob ichek.**

**Marika 9:23-25 Ak kilenji Jesu, Ngimuchi! Imugaksei tuguk tugul eng' inendet ne iyani. 24 Yeityo anyun kowaach kwandab lakwanato, ak kole, Ayani; toreta eng' bistoenyyu. 25 Ak kingogeer Jesu tuiyet korouou tugul, koger kong' tamirmiriet ne muruon, kolenji, Inye, tamirmiriet ne namat kut ak ko i ming'at, kang'atin ale, mong'u eng' inendet, ak amatata ichut inendet kogeny.**

**Marika 9:29 Ak kilenji ichek, Maimuchi kornanda ne u ni eng' kiy tugul, kobate saet.**

**Marika 9:38,39 Kilenji Johan inendet, Konetindoni, kogigeer chi koonei oik eng' kaineng'ung': ak kogiete, amu koma kosubwech. 39 Ago kile Jesu, Amoete: amu mami chi ne yaei boisiet ne bo kimnatet eng' kainenyyu, ak komuch kochepchebit komwaitaena yaitio.**

**Marika 16:17 Ak isubi kaborunoichu ichek che iyani: onei oik eng' kainenyyu; ak kong'alali ng'alalet ne leel;**

**Luka 4:18 Mi Tamirmirietab Kiptaiyat kobota, Amu kiila si kobiit aamji kibananok logoiywek che miach: Kiiyokwa si kobiit aamji luulenik katiaget, Asi kobiit kogeerto kipkoratinik, Ak atiach che kigiguoten. (Isaia 61:1)**

**Luka 4:34-36 kole, Bagaktech! kiting'ege nee ak inye, Jesu ne bo Nasaret? kenyo inye si ibarech? Kaanain inye ale i Ne Tilil ne bo Jehovah. 35 Ak kiger kong' Jesu inendet, ak kolenji, Sis, ak imong'u eng' inendet. Ak kingo kagowirji oindet kwenunywa, komong'une inendet anyun, komata koita kiy. 36 Ak kikwong'io bichoto tugul, ak kong'alaljigei ichegei kole, Nee ng'olyondoni? amu kang'at eng' kimnatet ak kamuktaet tamirmirik che muronen, si komong'.**

- Luka 4:41 Komong'une anyun oik bik che chang', kowaachei kolen,  
Inyendet ko i Weritab Jehovah. Koger kong' Jesu icheget, ma chamji  
kotwek, amu klingen ichek kole, inendet ko Kristo.**
- Luka 7:21 Eng' sainato kosoob che chang' che kitinyei mianwek ak  
korotwek ak tamirmirik che yaachen; ak kiigochi kipkoratinik che chang'  
kogeerto.**
- Luka 8:29 Amu king'at tamirmiriet ne muruon komong' eng' chichoto. Amu  
kiga nam eng' betusiek che chang': ak kigiribei mising', ak kiga kirate  
sirimwek ak mugurek; ak king'etyei tuguk che kirate, ak kionei oindet  
inendet kwo surkwen.**
- Luka 9:40 Ak koarirji alama-lyeng'ung' ale koon; ago ma imuch.**
- Luka 10:17-20 Kiweek anyun bichoto tamanwogik tisabu eng' boiboindo, ak  
komwa kole, Kiptaiyandani, agot oik kogasech it eng' kaineng'ung'. 18  
Ak kolenji, Kiageer Setani kochorugei eng' kipsengwet ko u kalyelet. 19  
Ogeero, kaagonok kamuget si kobiit otiech erenok ak melmelwek, ak  
oterter kimnatet tugul ne bo bunyot: ak mami kiy ne imuchi kong'emak.  
20 Ago amoboiboitu amu ng'olyondoni, amu kasok it oik; ago oboi-boitu  
amu sirotin kainaikwok eng' kipsengwet.**
- Luka 11:14 Ak kion inendet oindet ne namat kut. Ak ye kingo kagomanda  
oindet, kong'alal anyun ne ki namat kut; ak kikwong'io tuiyosiek.**
- Luka 11:20-22 Ago ngot aone oik eng' mornetab Jehovah, ko kanyonjok  
anyun bounatetab Jehovah. 21 Ak chi ne tineyi kimnatet ak kotinyei  
karikyik che ribe gonyi, kotebyei tugukyik eng' kalyet: 22 ak ye nyonji  
chito ne kim kosiir inendet, ak koterter, korebe anyun inendet karikyik  
tugul che cham komang'u, ak kopcheita bareiywekyik.**
- Luka 13:32 Ak kilenji ichek, Oba omwachi lelwandonoto, olenji, Keero, aone  
oik ak asoobi bik rani ak mutai, ak eng' betutab somok abegechi.**
- Johana 14:12 Amwawok, iman, iman, ale, Inendet ne iyana, koyaei agine  
boisionik che aya; ak koyaei boisionik che eech eng' chuto; amu  
awendi ole mi Kwanda.**
- Johana 17:15 Masae ale imut ichek eng' ng'ony, ago ale irib ichek eng'  
inendet ne ya.**
- Boisionik - Boisionikab Che Kiyoktio 10:38 ko u ye kiil Jehovah Jesu ne bo  
Nasaret, eng' Tamirmiriet ne Tilil ak eng' kamuktaet: ne kiwendot ak  
koyaei ne mie, ak kosoobi tugul che kiinalili oindet; amu kimi Jehovah  
koboto inendet.**
- Boisionik - Boisionikab Che Kiyoktio 16:17,18 Kiisubot Paulo kebendi tugul,  
ak komwaei eng' kutit ne o, kolen, Bichu ko otwogikab Jehovah ne  
Toror Mising', che mwawok oretab yetunet. 18 Ak kiyai inendet ko u  
noto eng' betusiek che chang'. Ago kiarogen Paulo mising', ak  
koweelgei ak kolenji tamirmirionoto, Kang'atin eng' kainetab Jesu  
Kristo ale, mong'u eng' inendet. Ak kimong' eng' sainato.**

**Boisionik - Boisionikab Che Kiyoktio 19:11,12 Ak kiyai Jehovah boisionikab kimnatet che ter eng' eunekab Paulo: 12 kot keipchi che miandos kitambaak ak angok che kiga kottiiny bortanyi, ak kiistogei mianwek eng' bichoto, ak kimanda ta-mirmirik che yaachen eng' ichek.**

**Boisionik - Boisionikab Che Kiyoktio 26:15-18 Ak kiale, I ng'o inye, Kiptaiyandani? Kole Kiptaiyat, A Jesu ne iuse. 16 Ago ng'eet, tonon eng' kelyeguk: kang'ang'unge amu ni, ale andein iegu kiboitiot ak baoriatab tuguchu kaigeer agobo ane, ak tuguk che tun ang'ang'u-nenenge; 17 asorun eng' bik, ak eng' Bororiosiek, ole tun ayoktoin iwe, 18 si kobiit ing'any konyekwak, ak koweek eng' mesundeito kobwanji lapkeiyet, ak eng' kimnatetab Setani kobwanji Jehovah, si konyor ichek nyoetab kaat ne bo tenge-kwogik ak borotet eng' ichek che kigitilil amu kayanet ne mi eng' ane.**

**Romanik 16:20 Ak tun tuei Jehovah ne bo kalyet Setani eng' kelyekwok ko negit. Ingoteb kobotok mieindab Kiptaiyandennyo Jesu Kristo.**

**2 Korintoek 2:11 si manyor Setani kit ne iterterenech: amu ma ki berberen, ago kingen chobutikyik.**

**Galatiiek 1:4 ne kiigoitogei agobo tengekwogikyok, si kobiit kosoruech eng' betusiechu yaachen, ko u magetab Jehovah nentyo ak ko Kwandanyo:**

**Epesoek 4:27 amat ogochi boroindo oindet.**

**Epesoek 6:11 Olaach karikab luget komugul che bo Jehovah, si kobiit omuch ogirinde kaberberisiosiekab oindet.**

**2 Tesalonikek 3:2,3 ak kiyogu Timoteo, tupchennyo ak ko kiboitiotab Jehovah eng' logoiywek che miach che bo Kristo, kogimitok, ak kogaigaak agobo kayaneng'wong'; 3 si maing'eak chi age tugul eng' nyalilwogichuto; amu ongen okweget ole kigilewenwech choto.**

**2 Timoteo 2:26 ak kosorgei ichek komong'une mestetab oindet, ko kagoluul ichek si koyai magennyi.**

**2 Timoteo 4:18 Sorua Kiptaiyat eng' boisiet age tugul ne ya, ak kosoura agoi ait bounatennyi ne bo kipsengwet: nenyi toromatet koigeny ak koigeny. Amen.**

**1 Petero 5:8 Oripge, oripse: amu wendoti bunyo-ndeng'wong' oindet, ko u ng'etundo ne boriseni, kocheng'e ne amei:**

**1 Johana 4:4 0 bo Jehovah, lagochu mengech, ak kioterter ichek: amu o inendet ne mi eng' okwek kosiir inendet ne mi ng'ony.**

**Numbers 10:35 Let Jehovah arise and enemies scatter.**

**Deuteronomy 23:5 Jehovah turn curse into blessing (Nehemia 13:2)**

**Tiendab Kalosunet 44:4 Jehovah command deliverance for Jakobo.**